



Poziv za učešće: 10 Mart - 10 Juli

Prošle godine smo govorili „o svijetu u kome granice postaju sve manje značajne. Sada, više nego ikada, mi smo jedan narod. Bez obzira gdje živimo, jednako smo bespomoćni pred licem rata ili ekološke katastrofe.“

Još vjerujemo u ovaj iskaz, iako su birači u zapadnom svijetu od onda glasali za zatvaranje granica i izgradnju zidova koji će spriječiti dolazak stranaca. Nasilje, retorika mržnje i straha primorala je ljude da napuste svoje domove bježeći od događaja izvan njihove kontrole. Sučeni sa licem rata, represije i političkog ugnjetavanja, ovi ljudi su učinili ono što bi učinio svako od nas: krenuo u potragu za sigurnošću. I umjesto da su nam dobrodošli, oni su primorani da ostanu u izbjegličkim kampovima. Oni koji uspiju proći, često su fizički i verbalno zlostavljani jer su imali drskosti da dođu „ovde“. Takav stav je nemoguće odbraniti, radi sigurnosti, radi demokratije ili bilo čega drugog.

Sasvim nezavisno od humanitarne brige, zatvaranje granice za ostatak svijeta je i prilično glupo. Kao što su kompanije poput Googlea pokazale pozivajući svoje zaposlene sa drugih kontinenata, pametniji i bolji ljudi ne dolaze nužno iz vlastite države.

Kroz istoriju, useljenici su obogatili svoje nove domovine svojim znanjem, tradicijom i kulturom. Nema oblasti ljudskog djelovanja koja nije obogaćena vanjskim uticajima. Ako nastavimo da se okrećemo sebi i isključimo druge zemlje, krenućemo natraške, ne naprijed. Stvar je u tome da i nema drugih – to smo samo mi, muškarci i žene rođeni u različitim dijelovima svijeta.

Demonstracije protiv Trumpove zabrane putovanja pokazale su snagu postera i plakata kao oslonaca protesta. Željeli bismo da i vi učestvujete u takvoj borbi.

Na svojoj internet stranici Amnesty International je objavio: „Istorija će suditi o nama na osnovu toga kako smo reagovali na najveću humanitarnu krizu našeg doba. Ovo je trenutak kada ustajemo u odbrani onog što nas ujedinjuje, a odbijemo strah i predrasude.“

Istina je, ne smijemo dopustiti da taj trenutak prođe mimo nas. Još od prvog Poster for Tomorrow poziva smo rekli da smo zajedno jači. Sada je trenutak da podignemo svijest o još jednom ljudskom pravu: slobodi preseljenja u novu zemlju u potrazi za sigurnim mjestom za život.

Poruka:

Ljudi različitih nacija donose svijetu boje, raznovrsnost i život. Ako zatvorimo granice i podignemo zidove kako bismo ih zaustavili, jedino ćemo zapasti u tamu.

Kontakt

4tomorrow association
16 ESplanade nathalie sarraute - 75018 PARIS
T. +33 14205 8887

facebook.com/posterfortomorrow
Twitter @poster4tomorrow
skype poster4tomorrow

info@posterfortomorrow.org
www.posterfortomorrow.org